

1

Ciuhsoh Gijyi 秋收起义

Bi 1927 ndwen 9, Cunghgoz Gungcanjdangj youq henzgyaiq Huznanz、Gyanghsih lingjdauj fatdoengh Ciuhsoh Gijyi. Hoeng aenvih vunzdig ak lai, sam loh bing gijyi cungj hoenx mbouj hingz, Mauz Cwzdungh doq gaij dajsuenq mbouj hoenxdwk Cangzsah, caiq aeu gij mingzdaeuz cenzvej suhgi heuh gak loh bing gijyi daengz Liuzyangz Yen Vwnzgyah Si doxcomz.

Ndwen 9 ngoenz 19 haemhde, Mauz Cwzdungh cujiz hai hoih, naeuz lajmbanj vunzdig guenj mbouj daengz baenzlai, bae lajmbanj guh vujcangh doucwng, baujlouz bingmax, hwngfat ligliengh gwzming. 《Ciuhsoh Gijyi》cit denying neix dauq yienjok le gij lizsij seizde.

Mauz Cwzdungh: Gauj gwzming mbouj miz dieggaengawq couh ndwn mbouj maenh…… Seizneix, raeuz aeu hwnj Byacingjganh bae ra giz diegndwn ndeu, hawj duivuj mbouj sanq, geizhoengz mbouj laemx. Yienghneix, raeuz couh lumj nyuqrin iqet nei, Ciengj Gaisiz cix lumj aen gangraemx hung ndeu, miz ngoenz ndeu raeuz aeu fid okbae, dwkbuq aen gang neix.

Aen Ciuhsoh Gijyi dwg Cunghgoz Gungcanjdangj youq Nancangh Gijyi doeklaeng aen vujcangh gijyi caemh mizmingz ndeu. Yienznaeuz



▲Mbaw youzva Ciuhsoh Gijyi Vwnzgyah Si doxcomz.

aen gijyi neix dwksaw lo, hoeng de lij hai le diuz loh moq ndeu, caemhcai q hainduj miz gij shwsiengj geiqmaeuz hoenxcienq aeu lajmbanj homh hawsingz, vih gaxlaeng Gunghnungz Hungzginh caeuq dieggaengawq gak dieg hwngfat ndaej hung daj ndei giekdae, dawz gij gwzming seizdaih Cungguek nyoengx hwnj aen gauhaucuz moq ndeu.

2

Cunghvaz Suhveizaih Laemzseiz Cunghyangh Cwngfuj Laebbaenz 中华苏维埃临时中央政府成立



▲Aen dieggeq Yuiginh gwzming.

Bi 1931 ndwen 11 ngoenz 7, youq ngoenzgeiqniemh Ngozgoz Cibnyied Gwzming 14 hopbi ngoenzde, Cunghvaz Suhveizaih Mbat Daih' it Daengx Guek Daibyauj Daihhoih youq Gyanghsih Yuiginh haibanh. Daihhoih senhbu Cunghvaz Suhveizaih Gunghozgoz Laemzseiz Cunghyangh Cwngfuj laebbaenz, aeu Cunghgoz Gunghnungz Hungzginh guh gij ligliengh vujcangh, caiq senj Mauz Cwzdungh, Cuh Dwz daengj 46 vunz dang bouxvejyenz caephengz cunghyangh, Mauz Cwzdungh guh cujsiz.

Bi 1930 ndwen 10 daengz bi 1931 ndwen 9, gij Hungz It Fuengmienhginh youz Mauz Cwzdungh, Cuh Dwz lingjdauj haenx

laebdaeb sam mbat dwksoiq le gij "humx dwk" Gozminzdangj, baihnanz Gyanghsih, baihsae Fuzgen song aen Suhgi couh lien baenz rangh ndeu. Cunghgung Cunghyangh dingh naeuz baengh aen Cunghyangh Suhgi bae cauhaeb Suhveizaih Cunghyangh Cwngfuj, hoeng lij caengz dingh ndei youq gizlawz laebbaenz cwnggenz caeuq haihoih. Bi 1931 ndwen 9 ngoenz 28, Mauz Cwzdungh, Cuh Dwz daengj bouxlingjdauj Hungz It Fuengmienhginh Cungjbu daengz Mbanj-yezbingz Gyanghsih Yuiginh cap yingz gvaqhaemh, doeklaeng couh dingh youq aen miuhcoj Ranzse hai Cunghvaz Gunghnungzbingh Suhveizaih Mbat daih' it Daengx Guek Daibyauj Daihhoih.

Bi 1931 ndwen 11 ngoenz 7 ngoenzde, Mbanjyezbingz daeng ronghsagsag, sing gyonglaz goksasa. Bang bing hungzginh doengh aen dieggaengawq laeng baihsae Fuzgen, baih doengbaek Gyanghsih, baihsae Huznanz Huzbwz, Gingzyaz daengj caeuq 610 bouxdaibyauj Daengx Guek Cungjunghvei, Daengx Guek Haijyenz Cungjunghvei laeng dieg Gozminzdangj guenj haenx camgya le daihhoih. Daihhoih doenggaq le 《Cunghvaz Suhveizaih Gunghozgoz Yenfaz Dagangh》《Dujdi Faz》《Lauzung Faz》《Vwnhyinh Diuzlaeh》caeuq gak aen cwngcwz ginghci daengj gietdingh youqgaen haenx. Mauz Cwzdungh daibyauj Suhgi Cunghyanghgi yieq daihhoih guh 《Aen Baugau Cwngci Vwndiz》.

Bide, gyoengqvunz Cunghgoz Gungcanjdangj youq aen miuhcoj Ranzse aeu benj gekok cib geij aen rug genjdanh de, laeb le gouj aen cwngfuj gihgou lumj Vaigyauh Yinminz Veijyenzbu, Gyauryz Yinminz Veijyenzbu daengj. Seizneix gunghozgoz dingz lai gozgyah gihgvanh cungj dwg ciuq gihaenx ma laeb.

Cunghvaz Suhveizaih Laemzseiz Cunghyangh Cwngfuj laebbaenz, neix cix dwg gyoengqvunz Cunghgoz Gungcanjdangj mbeihung ra, sawq cauhaeb aen cwnggenz yinminz gwzming. Seizhaenx de dwg gij haedsim Suhveizaih gwzming daengx guek, doiq dungyiz lingjdauj, gyagiengz daengx guek suhgi caeuq gij gwzming dem hwngfat bang bing hungzginh ok le haijai rengz. Gak aen seiz lizsij gajlaeng dem Cunghgoz moq gensez cwnggenz cungj ndaej daj ndawde ra raen gij gingniemh lizsij cix dijbauj cix lai haenx.

(Swhliu daj Gungcanjdangjyenz Vangj aeu)